

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**Z A K O N  
O IZMJENAMA I DOPUNAMA ZAKONA O DRŽAVNOJ SLUŽBI  
U FEDERACIJI BOSNE I HERCEGOVINE**

**Sarajevo, oktobar 2015. godine**

## **PRIJEDLOG ZA DONOŠENJE ZAKONA PO HITNOM POSTUPKU**

Postupajući u smislu odredaba člana 26. Poslovnika o radu Vlade Federacije Bosne i Hercegovine – Prečišćeni tekst ( „Službene novine Federacije BiH“, br. 6/10, 37/10 i 62/10) a u vezi sa tačkom 13. Reformske agende za Bosnu i Hercegovinu za period 2015.–2018. godine, predlažemo donošenje Zakona o izmjenama i dopunama Zakona o državnoj službi u Federaciji Bosne i Hercegovine po hitnom postupku, obzirom da su u konkretnom slučaju ispunjeni uslovi iz člana 191. stav 2. Poslovnika Predstavničkog doma Parlamenta Federacije Bosne i Hercegovine ( “Službene novine Federacije BiH“, br. 69/07 i 2/08) i člana 186. stav 2. Poslovnika o radu Doma naroda Parlamenta Federacije Bosne i Hercegovine ( “Službene novine Federacije BiH“ br. 27/03 i 21/09).

# **ZAKON O IZMJENAMA I DOPUNAMA ZAKONA O DRŽAVNOJ SLUŽBI U FEDERACIJI BOSNE I HERCEGOVINE**

## **Član 1.**

U Zakonu o državnoj službi u Federaciji Bosne i Hercegovine ("Službene novine Federacije BiH", br. 29/03, 23/04, 39/04, 54/04, 67/05, 08/06 i 4/12), u članu 5. stav 1. mijenja se i glasi:

„1. Predsjednik i potpredsjednici Federacije, članovi Parlamenta Federacije, sekretari domova Parlamenta FBiH, članovi Vlade Federacije, sekretar Vlade Federacije, sudije Ustavnog suda Federacije, sudije Vrhovnog suda Federacije i federalni tužioci nisu državni službenici i njihov radno-pravni status se uređuje drugim propisima.“

Iza stava 1. dodaju se novi stavovi 2. i 3. koji glase:

„2. Rukovodilac samostalne federalne uprave i samostalne federalne upravne organizacije, rukovodilac federalne uprave i federalne upravne organizacije koja se nalazi u sastavu ministarstva i rukovodioci stručnih službi Vlade Federacije, nisu državni službenici.

3. Sekretar federalnog organa državne službe, pomoćnik rukovodioca federalnog organa državne službe, glavni federalni inspektor i šef kabineta rukovodioca federalnog organa državne službe, nisu državni službenici.“

Dosadašnji stavovi od 2. do 6. postaju stavovi od 4. do 8.

## **Član 2.**

U članu 6. stav 1. mijenja se i glasi:

„1. Državni službenik se postavlja na jedno od sljedećih radnih mjesta:

- 1) šef unutrašnje organizacione jedinice;
- 2) inspektori;
- 3) stručni savjetnik;
- 4) viši stručni saradnik;
- 5) stručni saradnik.“

## **Član 3.**

U članu 7. i 9., riječ: „ustanove“ u različitim padežima, zamjenjuje se sa riječima: „upravne organizacije“ u odgovarajućim padežima.

## **Član 4.**

Iza člana 11. dodaju se novi član 11a. koji glasi:

## **„Član 11a.**

1. Sekretare domova Parlamenta FBiH imenuju i razrješavaju domovi Parlamenta Federacije na prijedlog predsjedavajućeg tog doma.
2. Sekretara Vlade Federacije imenuje i razrješava Vlada Federacije na prijedlog premijera.
3. Rukovodiocice samostalnih uprava i upravnih organizacija imenuje i razrješava Vlada Federacije.
4. Sekretara ministarstva imenuje i razrješava ministar.
5. Rukovodiocice uprava i upravnih organizacija koje se nalaze u sastavu ministarstva imenuje i razrješava Vlada Federacije na prijedlog ministra.
6. Rukovodiocice stručnih službi Vlade Federacije imenuje i razrješava Vlada Federacije na prijedlog premijera.
7. Pomoćnike rukovodioca stručnih službi domova Parlamenta FBiH, imenuju i razrješavaju predsjedavajući domova na prijedlog sekretara tog doma.
8. Pomoćnika rukovodioca organa državne službe i stručnih službi imenuje i razrješava Vlada Federacije na prijedlog tog rukovodioca.
9. Pomoćnike u upravama i upravnim organizacijama koje se nalaze u sastavu ministarstva, imenuje i razrješava ministar na prijedlog rukovodioca uprave odnosno upravne organizacije koja je u sastavu tog ministarstva.
10. Glavnog inspektora imenuje i razrješava Vlada Federacije na prijedlog rukovodioca organa državne službe.
11. Savjetnik, šefove kabineta i šefove ureda izabranih dužnosnika i nosilaca izvršnih funkcija imenuju i razrješavaju izabrani dužnosnici i nosioci izvršnih funkcija čiji su savjetnici, šefovi kabineta i šefovi ureda.

## **Član 5.**

U članu 19. stav 1. tačka c) i d) mijenjaju se i glase:

„c) prava i obaveze državnog službenika miruju od trenutka kada je imenovan na položaj u bilo kojem zakonodavnom ili izvršnom organu na bilo kojem nivou vlasti u Federaciji i u Bosni i Hercegovini, odnosno na bilo koju poziciju iz člana 5. stav 2. i 3. ovog zakona.

d) državni službenik iz stava 1. tačke c) ovog člana, može se vratiti na isto ili slično radno mjesto u istom ili drugom organu državne službe najkasnije u roku od mjesec dana od nastupanja sljedećih slučajeva: završetka mandata i prestanka funkcije u zakonodavnom ili izvršnom organu na bilo kojem nivou vlasti u Federaciji i u Bosni i Hercegovini, odnosno na bilo kojoj poziciji iz člana 5. stav 2. i 3. ovog zakona.

Iza tačke e) dodaje se nova tačka f) koja glasi:

„f) državni službenici i lica iz člana 11a. ovog zakona ne mogu biti članovi upravnih niti nadzornih odbora federalnih upravnih organizacija, federalnih zavoda, federalnih direkcija, federalnih agencija i privrednih društava sa učešćem državnog kapitala.“

## **Član 6.**

Član 20. mijenja se i glasi:

### **„Član 20.**

1. Licima iz člana 11a. ovog zakona ne garantuje se sigurnost užívanja položaja i mogu biti razriješeni dužnosti u bilo koje vrijeme od rukovodioca organa državne službe, odnosno organa koji ih je imenovao, a njihov mandat ne može biti duži od mandata rukovodioca organa državne službe, odnosno mandata organa koji ih je imenovao.

2. Imenovanje na pozicije iz člana 11a. se ne može preinačiti u položaj državnog službenika sa sigurnošću užívanja položaja.

3. Lica iz člana 11a. razrješavaju se dužnosti od trenutka kada su imenovana na položaj u bilo kojem zakonodavnom ili izvršnom organu na bilo kojem nivou vlasti u Federaciji i u Bosni i Hercegovini.“

## **Član 7.**

Član 22b. mijenja se i glasi:

### **„Član 22b.**

Organ državne službe može na osnovu pisanog sporazuma sa drugim organom državne službe ili na pisani zahtjev državnog službenika, preuzeti državnog službenika sa iste ili slične pozicije. Preuzimanje se vrši pisanim sporazumom organa državne službe od čega se primjerak sporazuma i rješenje o postavljenju dostavljaju Agenciji.“

## **Član 8.**

Član 22c., briše se.

## **Član 9.**

U članu 24. stav 1. mijenja se i glasi:

„1. Ukoliko se upražnjeno radno mjesto u organu državne službe ne bude moglo popuniti na način predviđen u članu 23. ovog zakona, na zahtjev rukovodioca organa državne službe, Agencija provodi proceduru popune upražnjenog radnog mjesta oglašavanjem javnog konkursa koji se provodi prema odredbama ovog člana i čl. od 25. do 32. ovog zakona.“

## **Član 10.**

U članu 25. dodaje se novi stav 3. koji glasi:

„3. Odredbe iz stava 1. ovog člana, odnose se i na lica iz člana 11a. ovog zakona.“

### **Član 11.**

U članu 27. stav 2., riječ: "najmanje" briše se, a riječi: „ostali članovi imenuju“ zamjenjuju se riječima: „treći član imenuje“.

### **Član 12.**

U članu 31. stav 1. riječi: "uz prethodno pribavljeno mišljenje Agencije", brišu se.

### **Član 13.**

U članu 33. stav 4., mijenja se i glasi:

„4. Ocjena rada državnog službenika zasniva se na rezultatima postignutim u izvršavanju poslova radnog mjesta i postavljenih radnih ciljeva, kvaliteti rada, efikasnosti u radu, samostalnosti, stvaralačkoj sposobnosti i inicijativi, vještini komunikacije, spremnosti prilagođavanja promjenama i ostalim sposobnostima koje zahtijeva radno mjesto.“

U stavu 8., riječi: „po prethodno pribavljenom mišljenju Agencije“, brišu se.

### **Član 14.**

U članu 34. stav 1., briše se.

U stavu 2., riječi: „tačka b)“, brišu se.

### **Član 15.**

U članu 35. stav 1., u prvoj rečenici: „neposredno“, a u drugoj rečenici, riječi: „ tačka b)“, brišu se.

### **Član 16.**

U članu 36. stav 3., tačka d), mijenja se i glasi:

„d) državni službenik koji je proglašen prekobrojnim, a nije dalje raspoređen, ima pravo na otpremninu u skladu sa članom 40. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", br. 45/10 i 111/12), te na naknadu za slučaj nezaposlenosti u skladu sa Zakonom.“

### **Član 17.**

U članu 37. stav 1., mijenja se i glasi:

„1. Rukovodilac organa državne službe može zatražiti od Agencije da provede proceduru javnog konkursa za prijem pripravnika u državnu službu.“

## **Član 18.**

U članu 47. u prvom redu, iza riječi: „službenika“, dodaju se riječi: „i lica iz člana 11a. ovog zakona“.

## **Član 19.**

Član 48. mijenja se i glasi:

### **„Član 48. Odsustvo i godišnji odmori**

Na prava i obaveze iz oblasti odsustva i godišnjih odmora državnih službenika i lica iz člana 11c. ovog zakona primjenjuju se odredbe člana 44. do 53. Zakona o radu („Službene novine Federacije BiH“, br. 62/15), kao i odredbe kolektivnih ugovora.“

## **Član 20.**

U članu 52. stav 1., riječi: „prema prethodno pribavljenom mišljenju Agencije, sa izuzetkom člana 51. stav 1. tačka h)“, brišu se.

U stavu 2., brojevi 2. i 3., brišu se.

## **Član 21.**

U članu 62. dodaje se novi stav 2. koji glasi:

„2. U rukovođenju organima državne službe, rukovodiocu organa državne službe pomažu sekretar organa državne službe, pomoćnik rukovodioca organa državne službe, savjetnik i šef kabineta, a koji čine kabinet rukovodioca organa državne službe.“

Dosadašnji stav 2. postaje stav 3.

## **Član 22.**

U članu 64. stav 3., iza riječi: „imenuje“, dodaju se riječi: „i razrješava“, a iza riječi: „Vlada Federacije“, stavlja se tačka i ostatak teksta se briše.

Stav 4. mijenja se i glasi:

„ 4. Direktor Agencije imenuje se na mandat od 4 godine.“

## **Član 23.**

Iza člana 75. dodaju se novi članovi 75a., 75b. i 75c. koji glase:

### **„Član 75a.**

1. Državni službenici i lica iz člana 11a. ovog zakona na koje se odnosi član 19. stav 1. tačka f) ovog zakona dužni su u roku od 30 dana od dana stupanja na snagu ovog zakona dati ostavku na članstvo u upravnom i nazornom odboru u koji su imenovani.
2. Rukovodilac organa državne službe ili lice koje on odredi će protiv državnog službenika i lica iz člana 11a. ovog zakona koji ne postupi u skladu sa stavom 1. ovog člana pokrenuti disciplinski postupak.

### **Član 75b.**

Državni službenici zatečeni u državnoj službi na mjestima rukovodećih državnih službenika nakon stupanja na snagu ovog zakona, biće raspoređeni na odgovarajuća radna mjesta u okviru organa državne službe u skladu sa pravilnicima iz člana 75c. stav 3. ovog zakona, a nastavljaju raditi na svojim dosadašnjim radnim mjestima i zadržavaju plaću i druga prava prema dosadašnjim rješenjima do imenovanja lica iz člana 11a. ovog zakona.

### **Član 75c.**

1. Propisi koji su u suprotnosti sa odredbama ovog zakona imaju se uskladiti sa ovim zakonom u roku od 60 dana od dana stupanja na snagu ovog zakona.
2. U roku od 30 dana od dana stupanja na snagu ovog zakona Vlada Federacije će propisati vrstu, složenosti poslova i uslove koje trebaju zadovoljavati lica iz člana 11a. ovog zakona.
3. Rukovodioci organa državne službe dužni su u roku od 30 dana od dana donošenja propisa iz stava 2. ovog člana uskladiti pravilnike o unutrašnjoj organizaciji sa odredbama ovog zakona.

### **Član 24.**

Ovaj zakon stupa na snagu u roku od osam dana od dana objavljivanja u „Službenim novinama Federacije BiH“.



## O B R A Z L O Ž E N J E

### ZAKONA O IZMJENAMA I DOPUNAMA ZAKONA O DRŽAVNOJ SLUŽBI U FEDERACIJI BIH

#### I. - USTAVNI OSNOV

Ustavni osnov za donošenje ovog zakona sadržan je u odredbi člana IV. A. 20. (1) d) Ustava Federacije Bosne i Hercegovine, gdje je propisano da Parlament Federacije Bosne i Hercegovine donosi zakone o vršenju funkcija federalne vlasti.

#### II. - RAZLOZI ZA DONOŠENJE

Razlozi za donošenje ovog zakona sadržani su u potrebi usklađivanja ovog zakona sa Zakonom o radu („Službene novine Federacije BiH“, broj 62/15) kojeg je donio Parlament Federacije Bosne i Hercegovine. Jedan od razloga za donošenje izmjena i dopuna ovog zakona je i potreba za reorganizacijom javne uprave u FBiH sa ciljem da se državna služba učini racionalnijom i poveća njena efikasnost i ekspeditivnost u izvršavanju radnih zadataka, u skladu sa tačkom 13. Reformske agende za Bosnu i Hercegovinu za period 2015 - 2018 godina, koju je usvojila Vlada Federacije BiH.

#### III. - OBRAZLOŽENJE PRAVNIH RJEŠENJA

**Odredbom člana 1.** prošireno je izuzeće u primjeni ovog zakona na: sekretare domova Parlamenta Federacije BiH, sekretara Vlade Federacije, rukovodioce samostalnih federalnih uprava i samostalnih federalnih upravnih organizacija, rukovodioce federalnih uprava i federalnih upravnih organizacija koja se nalazi u sastavu ministarstva, rukovodioce stručnih službi Vlade Federacije, sekretare federalnog organa državne službe, pomoćnike rukovodioca federalnog organa državne službe, glavne federalne inspektore i šefa kabineta rukovodioca federalnog organa državne službe.

**Odredbom člana 2.** brisana su radna mjesta rukovodećih državnih službenika i to: rukovodilac samostalne uprave i samostalne ustanove, sekretar organa državne službe, rukovodilac uprave i ustanove koje se nalaze u sastavu ministarstva, pomoćnik rukovodioca organa državne službe i glavni inspektori, budući da je u članu 1. određeno da oni nisu državni službenici.

**Odredbom člana 3.** izvršeno je usklađivanje sa Zakonom o organizaciji organa uprave u Federaciji Bosne i Hercegovine („Službene novine Federacije BiH“, broj 35/05) pa je termin *ustanova* zamjenjena *upravnom organizacijom*.

**Odredbom člana 4.** dodaje se novi član 11a. kojim se određuje ko imenuje: sekretare domova Parlamenta FBiH, sekretara Vlade Federacije, rukovodioce

samostalnih uprava i upravnih organizacija, sekretara ministarstva, rukovodiocima uprava i upravnih organizacija koje se nalaze u sastavu ministarstva, rukovodiocima stručnih službi Vlade Federacije, pomoćnike rukovodioca stručnih službi domova Parlamenta FBiH, pomoćnika rukovodioca organa državne službe i stručnih službi, pomoćnike u upravama i upravnim organizacijama koje se nalaze u sastavu ministarstva, glavnog inspektora, savjetnika, šefa kabineta i šefove ureda izabраниh dužnosnika i nosilaca izvršnih funkcija.

**Odredbom člana 5.** izvršeno je usklađivanje člana 19., kojim su regulirane nespojivosti sa dužnostima državnog službenika, s izmjenama i dopunama koje su izvršene u prethodnim odredbama ovog zakona, te je izvršena i njegova dopuna kojom je propisano da državni službenici i lica iz člana 11a. ovog zakona ne mogu biti članovi upravnih niti nadzornih odbora federalnih upravnih organizacija, federalnih zavoda, federalnih direkcija, federalnih agencija i privrednih društava sa učešćem državnog kapitala.

**Odredbom člana 6.** propisano je da se sekretarima domova Parlamenta FBiH, sekretaru Vlade Federacije, rukovodiocima samostalnih uprava i upravnih organizacija, sekretaru ministarstva, rukovodiocu uprava i upravnih organizacija koje se nalaze u sastavu ministarstva, rukovodiocima stručnih službi Vlade Federacije, pomoćnicima rukovodioca stručnih službi domova Parlamenta FBiH, pomoćnicima rukovodioca organa državne službe i stručnih službi, pomoćnicima u upravama i upravnim organizacijama koje se nalaze u sastavu ministarstva, glavnom inspektor, savjetniku, šefu kabineta i šefovima ureda izabраниh dužnosnika i nosilaca izvršnih funkcija ne garantuje sigurnost uživanja položaja, te da mogu biti razriješeni dužnosti u bilo koje vrijeme od rukovodioca organa državne službe kao i da njihov mandat ne može biti duži od mandata rukovodioca organa državne službe. Propisano je i da se gore navedeni razrješavaju s dužnosti od trenutka kada su imenovani na položaj u bilo kojem zakonodavnom ili izvršnom organu na bilo kojem nivou vlasti u Federaciji i u Bosni i Hercegovini. Ovom odredbom propisano je još i da se imenovanje na jednu od pozicija iz člana 11a. ne može preinačiti u položaj državnog službenika sa sigurnošću uživanja položaja.

**Odredbom člana 7.** sporazumno preuzimanje državnih službenika iz drugog organa državne službe usklađeno je s promjenama koje proizilaze iz prethodni odredbi a koje se odnose na ukidanje kategorije rukovodećih državnih službenika.

**Odredbom člana 8.** briše se odredba člana 22b. kojom su bili propisani posebni uslovi za prijem savjetnika u radni odnos.

**Odredbom člana 9.** izvršena je izmjena koja se odnosi na Agenciju za državnu službu, tako da Agencija ne popunjava upražnjeno radno mjesto u državnoj službi nakon što su iscrpljene druge zakonske mogućnosti popune upražnjjenog radnog mjesta, nego da provodi proceduru javnog konkursa u skladu sa odredbama zakona, a na zahtjev rukovodioca organa državne službe.

**Odredbom člana 10.** propisano je da se opći uslovi koje mora ispunjavati lice da bi bio postavljen na radno mjesto državnog službenika primjenjuju, odnosno da se odnose i na sekretare domova Parlamenta FBiH, sekretara Vlade Federacije,

rukovodioce samostalnih uprava i upravnih organizacija, sekretara ministarstva, rukovodioce uprava i upravnih organizacija koje se nalaze u sastavu ministarstva, rukovodioce stručnih službi Vlade Federacije, pomoćnike rukovodioca stručnih službi domova Parlamenta FBiH, pomoćnike rukovodioca organa državne službe i stručnih službi, pomoćnike u upravama i upravnim organizacijama koje se nalaze u sastavu ministarstva, glavnog inspektora, savjetnika i šefa kabineta premijera, odnosno ministra.

**Odredbom člana 11.** ograničen je broj članova Komisije za izbor na tri člana.

**Odredbom člana 12.** učinjena je izmjena u članu 31. na način da nakon provedene procedure javnog konkursa, prilikom postavljanja državnog službenika, rukovodilac organa državne službe ne mora prethodno tražiti mišljenje Agencije za državnu službu.

**Odredbom člana 13.** propisano je da se ocjena rada državnog službenika zasniva na rezultatima postignutim pri izvršavanju poslova radnog mjesta i postavljenih radnih ciljeva, kvaliteti rada, efikasnosti u radu, samostalnosti, stvaralačkoj sposobnosti i inicijativi, vještini komunikacije, spremnosti prilagođavanja promjenama i ostalim sposobnostima koje zahtijeva radno mjesto.

**Odredbom člana 14.** izvršeno je usaglašavanje člana 34., koji se odnosi na napredovanje i unapređenje, s prethodnim odredbama koje se prvenstveno odnose na ukidanje kategorije rukovodećih državnih službenika.

**Odredbom člana 15.** izvršeno je usaglašavanje člana 35. s prethodnim odredbama koje se odnose na ukidanje kategorije rukovodećih državnih službenika.

**Odredbom člana 16.** propisano je državni službenik koji je proglašen prekobrojni, a nije dalje raspoređen, ima pravo na otpremninu u skladu sa članom 40. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", br. 45/10 i 111/12), te na naknadu za slučaj nezaposlenosti u skladu sa Zakonom.

**Odredbom člana 17.** propisano je da rukovodilac organa državne službe može zatražiti od Agencije za državnu službu da provede proceduru javnog konkursa za prijem pripravnika u državnu službu.

**Odredbom člana 18.** izvršena je dopuna člana 47. pa je istom određeno da se Zakon o radu, ostali zakoni i kolektivni ugovori kojima se uređuju prava i obaveze iz radnih odnosa, osim ako ovim zakonom nije drugačije određeno primjenjuju i na lica iz člana 11a. ovog zakona.

**Odredbom člana 19.** propisano je da se na prava i obaveze iz oblasti odsustva i godišnjih odmora državnih službenika i lica iz člana 11a. ovog zakona primjenjuju se odredbe člana 44. do 53. Zakona o radu („Službene novine Federacije BiH“, br. 62/15), kao i odredbe kolektivnih ugovora.

**Odredbom člana 20.** određeno je da prilikom razrješenja državnog službenika rukovodilac tijela državne službe ne treba tražiti prethodno mišljenje Agencije za državnu službu.

**Odredbom člana 21.**, u dijelu zakona koji se odnosi na upravljanje državnom službom, u članu 62. dodaje se novi stav koji propisuje da u rukovođenju zaposlenicima organa državne službe, rukovodiocu organa državne službe pomažu sekretar organa državne službe, pomoćnik rukovodioca organa državne službe, savjetnik i šef kabineta, a koji čine kabinet rukovodioca organa državne službe.

**Odredbom člana 22.** propisano je da direktora Agencije za državnu službu imenuje i razrješava Vlada Federacije te da mandat direktora Agencije za državnu službu traje 4 godine.

**Odredbom člana 23.** propisana je obaveza i disciplinska odgovornost za državne službenike i lica iz člana 11a. ovog zakona koja u zakonskom roku ne podnesu ostavku na članstvo u upravnom i nadzornom odboru iz člana 19. stav 1. tačka f) u koji su imenovani.

Odredbom ovog člana reguliran je i status državnih službenika koji su nakon stupanja na snagu ovog zakona zatečeni na mjestu rukovodećih državnih službenika na način da će isti biti raspoređeni u državnoj službi na odgovarajućim mjestima u skladu sa pravilnicima o unutrašnjoj organizaciji, te da nastavljaju raditi na svojim dosadašnjim radnim mjestima, zadržavaju plaću i druga prava prema dosadašnjim rješenjima do imenovanja lica iz člana 11a. ovog zakona. Ovaj član sadrži i odredbe kojima se određuje obaveza i rok za usklađivanje propisa sa ovim zakonom, rok za donošenje propisa o vrsti, složenosti poslova i uslova koje trebaju zadovoljavati lica iz člana 11a. ovog zakona i rok za donošenje pravilnika o unutaršnjoj organizaciji.

**Odredba člana 24.** sadrži uobičajene odredbe o stupanju na snagu Zakona.

#### **IV. - SREDSTVA ZA PROVOĐENJE**

Za provođenje ovog zakona nije potrebno osigurati sredstva u Budžetu Federacije Bosne i Hercegovine.